

Adroddiad i'r	Cabinet
Dyddiad y cyfarfod	18 Hydref 2022
Aelod / Swyddog Arweiniol	Y Cyngorydd Barry Mellor (Aelod Arweiniol yr Amgylchedd a Chludiant / Liz Grieve (Pennaeth Cymunedau a Chwsmeriaid ac Uwch Berchennog Cyfrifol y Rhaglen Newid Hinsawdd a Newid Ecolegol)
Awdur yr adroddiad	Jane Hodgson (Rheolwr Rhaglen Newid Hinsawdd)
Teitl	Adolygu Penderfyniad y Cabinet mewn perthynas â'r Cynllun Penderfyniadau Dirprwyedig Arfaethedig ar gyfer Caffael Tir (Rhydd-ddaliadol a Lesddaliadol) at Ddibenion Dal a Storio Carbon a Gwelliannau Ecolegol

1. Am beth mae'r adroddiad yn sôn?

- 1.1. Mae'r adroddiad hwn yn ymdrin ag argymhellion y Pwyllgor Craffu Cymunedau mewn perthynas â'r cynnig i gyflwyno cynllun penderfyniadau dirprwyedig ar gyfer caffael tir (rhydd-ddaliadol a lesddaliadol) at ddibenion dal a storio carbon a gwelliannau ecolegol. Diben y cynllun newydd yw caniatáu i dir gael ei gaffael yn gynt ac yn fwy effeithiol, yn enwedig mewn ocsiwn, fel bod y Cyngor yn cyflawni ei ddatganiad Argyfwng Hinsawdd ac Ecolegol a'r targedau dilynol yn ei Strategaeth ar Newid Hinsawdd a Newid Ecolegol (2021/22 - 2029/30).

2. Beth yw'r rheswm dros lunio'r adroddiad hwn?

- 2.1. Mae angen penderfyniad ynghylch a ddylid cyflwyno cynllun penderfyniadau dirprwyedig yn unol â'r cynnig neu beidio.
- 2.2. Cyflwynir yr adroddiad i'w ystyried ar gais y Cabinet (26/07/22), eitem 5. Mae'r detholiad yn Atodiad 1.

3. Beth yw'r Argymhellion?

- 3.1. Y Cabinet i gymeradwyo cyflwyno'r cynllun penderfyniadau dirprwyedig newydd ar gyfer caffael tir (rhydd-ddaliadol a lesddaliadol) at ddibenion dal a storio carbon a gwelliannau ecolegol fel y cynigir yn Atodiad 3.
- 3.2. Bod y Pwyllgor yn cadarnhau ei fod wedi darllen, wedi deall ac wedi ystyried yr Asesiad o'r Effaith ar Les (Atodiad 4) fel rhan o'i ystyriaethau.

4. Manylion yr adroddiad

- 4.1. Mae argymhellion y Pwyllgor Craffu Cymunedau (10/03/22) sydd angen ymdrin â nhw yn cael eu cynnwys yn Atodiad 2, a rhoir sylw i bob un isod.
- 4.2. (i) Mae Swyddogion wedi cysylltu â'r sefydliadau isod dros e-bost: Ffederasiwn Clybiau Ffermwyr Ifanc Clwyd, Undeb Amaethwyr Cymru (FUW), NFU Cymru, Country Land and Business Association (CLA), Coleg Cambria a Jones Peckover. Cafwyd ymatebion gan Undeb Amaethwyr Cymru a'r CLA. Dim ond y CLA sydd wedi bod ar gael i gyfarfod. Eu sylw ar y cynllun newydd arfaethedig oedd nad eu lle nhw oedd rhoi sylwadau ar bolisi Cyngor Sir Ddinbych. Bydd cyfarfod yn cael ei drefnu gydag Undeb Amaethwyr Cymru cyn gynted ag y byddant ar gael.
- 4.3. (ii) Gweler Atodiad 4 i weld ble mae geiriad y Cynllun Penderfyniadau Dirprwyedig Arfaethedig a dogfennau cysylltiedig, ble mae'n ymwneud â chysylltu â chynghorwyr lleol a Grwpiau Ardal yr Aelodau, wedi ei ddiwygio fel y gofynnwyd.
- 4.4. (iii) Mae capasiti'r Gwasanaeth Cefn Gwlad i ddelio â'r dyletswyddau disgwylidig a ddaw yn sgil y gwaith dal a storio carbon a gwelliannau ecolegol wedi cael ei ystyried a'i gynnwys fel rhan o'r cais i'r Bwrdd Cyllideb i ariannu gweithgaredd Cyngor Di-garbon Net a Phositif yn Ecolegol yn 2023/24 . Mae'r ddogfen Strategaeth ar Newid Hinsawdd a Newid Ecolegol i fod i gael ei hadolygu'n ffurfiol yn ystod 2023/24, sef ar ôl yr ail flwyddyn o'i darparu. Bydd hyn yn cynnwys amcangyfrifon o'r adnoddau fydd eu hangen i gefnogi gweithgareddau, yn cynnwys gwaith dal a storio carbon a gwelliannau ecolegol.

- 4.5. (iv) Mae dosbarthiad tir amaethyddol yn ffurfio rhan o'r Meini Prawf Asesu Tir (Atodiad 7). Arweiniad yw'r matrices - nid yw'n fecanwaith pendant ar gyfer penderfynu a ddylid caffael eiddo penodol. Gellir dod o hyd i wybodaeth ar ddosbarthiad tir yn Sir Ddinbych ar y wefan:
<https://llyw.cymru/sites/default/files/publications/2021-05/dosbarthiad-tir-amaethyddol-cwestiynau-cyffredin.pdf>
- 4.6. Gweler Atodiad 5 am fanylion ar dargedau Di-garbon Net a Phositif yn Ecolegol 2030 y Cyngor a'r rhesymeg dros gaffael at ddibenion dal a storio carbon a gwelliannau ecolegol.
- 4.7. Gweler Atodiad 6 am fanylion dull presennol y Cyngor o gaffael (rhydd-ddaliadol a lesddaliadol) at ddibenion dal a storio carbon a gwelliannau ecolegol a sut fyddai hynny'n edrych dan y cynllun penderfyniadau dirprwyedig arfaethedig hwn.

5. Sut mae'r penderfyniad yn cyfrannu at y Blaenoriaethau Corfforaethol?

- 5.1. Bydd y dull arfaethedig yn gwneud cyfraniad uniongyrchol at gyflawni datganiad Argyfwng Hinsawdd ac Ecolegol y Cyngor, oedd yn ymrwmo'r Cyngor i ddod yn Ddi-garbon Net erbyn 2030, a'r Strategaeth ar Newid Hinsawdd a Newid Ecolegol a fabwysiadwyd wedyn, drwy gefnogi cynnydd yn nifer y tunelli o garbon sy'n cael ei ddal a'i storio ar dir sy'n berchen/cael ei weithredu gan y Cyngor ac ar yr un pryd, cyfrannu'n uniongyrchol at gyflawni statws Cyngor Positif yn Ecolegol erbyn 2030, drwy gynyddu nifer yr hectarau o dir sy'n berchen/cael ei weithredu gan y Cyngor yn y categorïau cyfoeth uchaf y rhywogaethau.
- 5.2. Bydd y dull yn cefnogi'r Cyngor i gyfrannu at bolisi Llywodraeth Cymru y bydd y sector cyhoeddus yn garbon niwtral erbyn 2030, i Gymru gyflawni ei darged cyfreithiol o leihau allyriadau i Sero Net erbyn 2050, ac mae'n cefnogi dyletswydd statudol y Cyngor dan Adran 6 Deddf yr Amgylchedd (Cymru) 2016 i "geisio cynnal a gwella bioamrywiaeth".

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1. Mae costau cyfalaf yn cynnwys unrhyw gostau sy'n gysylltiedig â chaffael tir e.e. costau prynu, ac unrhyw gostau'n gysylltiedig â throï'r tir yn goetir e.e. plannu coed a gwelliannau ecolegol fel creu cynefinoedd, ffensio ar gyfer da byw. Byddai ceisiadau am grantiau allanol yn cael eu gwneud ble bo'n bosibl i ddarparu cymysgedd o ffrydiau ariannu, ochr yn ochr â chyfalaf a ddyrannwyd i'r Rhaglen Newid Hinsawdd a Newid Ecolegol bob blwyddyn fel rhan o'r broses gosod cyllideb.
- 6.2. Mae costau refeniw yn cynnwys ffioedd a thaliadau'n gysylltiedig â chaffael tir na ellir ei gyfalafu a chostau'n gysylltiedig â rheoli'r ased wedi hynny. Ar gyfer creu coetiroedd ar raddfa fawr, defnyddir y dull o adfywio naturiol pan fo hynny'n bosibl. Ar gyfer creu coetiroedd mewn cymunedau defnyddir y dull o ddefnyddio'r 'goeden iawn yn y lle iawn' rhag creu gwaith diangen o gynnal a chadw neu rhag iddynt fethu. Mae'n debygol y bydd y tiroedd sy'n cael eu caffael yn cael eu hychwanegu at bortffolio asedau'r Gwasanaethau Cefn Gwlad a bydd yn cael ei adolygu o safbwynt rheolaeth barhaus. Mae'n bosibl y nodir costau refeniw, a gwneir ceisiadau am grantiau allanol i ychwanegu at gyllidebau rheoli ar draws pob safle.
- 6.3. Mae'r effaith debygol ar feysydd gwasanaeth eraill fel a ganlyn:
- Asedau Strategol a Chyfreithiol - o ran trafodaethau caffael tir
 - Tîm Newid Hinsawdd - rheoli prosiectau i asesu caffael tir posibl a darparu unrhyw weithgareddau dilynol o ran creu coetiroedd a gwella cynefinoedd
 - Gwasanaethau Cefn Gwlad - rhoi cyngor arbenigol ar gynlluniau dal a storio carbon a gwelliannau ecolegol; cynnal rheolaeth weithredol a chynnal a chadw
 - Gwasanaethau Democrataidd - rheoli proses hysbysiad o benderfyniad fel bod digon o ymwybyddiaeth rhag ofn y bydd Aelodau'n dymuno galw'r penderfyniad dirprwyedig gweithredol i mewn.

7. Beth yw prif gasgliadau'r Asesiad o'r Effaith ar Les?

- 7.1. Gweler Atodiad 1 am AEL llawn.

8. Pa ymgynghoriadau sydd wedi'u cynnal gyda Chraffu ac eraill?

- 8.1. Mae'r adroddiad hwn yn ymdrin ag argymhellion y Pwyllgor Craffu Cymunedau (10 Mawrth 2022). Ni chynhaliwyd unrhyw ymgynghoriadau eraill gyda Chraffu.
- 8.2. Cysylltwyd â grwpiau allanol i roi eu mewnbwn, yn unol ag argymhellion y Pwyllgor Craffu Cymunedau. Gweler 4.2 am fanylion.

9. Datganiad y Prif Swyddog Cyllid

- 9.1. Mae'n amlwg bod defnydd a chaffael tir at ddibenion dal a storio carbon a gwelliannau ecolegol yn rhan allweddol o'r Rhaglen Targed Di-garbon Net y cytunwyd arni. Mae'n bwysig nodi y bydd y dyraniad cyllideb flynyddol yn dal yn destun adroddiadau i'r Bwrdd Cyllideb ac yn y pen draw, cymeradwyaeth y Cabinet a'r Cyngor a bydd prosiectau unigol dros £1m yn dal i fod angen cymeradwyaeth y Cabinet. Barn broffesiynol uwch swyddogion eiddo a'r rhaglen yw y bydd y cynigion hyn yn helpu i sicrhau safleoedd yn gyflym ac effeithiol a helpu'r Cyngor i gyflawni targed 2030. Ar sail hynny, cefnogir y cynigion. Os na fyddant yn cael eu cymeradwyo, yna dylid dwyn ymlaen werthusiad gonest o allu'r Cyngor i fodloni'r targed.

10. Pa risgiau sydd ac a oes unrhyw beth y gallwn ei wneud i'w lleihau?

- 10.1. Dangosir y risgiau perthnasol yn Atodiad 8.

11. Pŵer i wneud y penderfyniad

- 11.1. Gweler Atodiad 9.